

– Mening sevimli gazetamizga mehrim beqiyos, – deydi surxondaryolik 16 yoshli Lobar Xoliqova. – Bu gazetani o‘qib, ko‘p narsa o‘rganish mumkin.



Tong YULDUZI

Vatan yagonadir, vatan bittadir!

O‘zbekiston Respublikasi bolalari va o‘smirlari gazetasi

2007-yil
8 – 14-oktabr
N:41
(66634)

Gazeta 1929-yil 1-avgustdan chiqa boshlagan



Aziz 8 yoshdan 20 yoshgacha bo‘lgan bolalar va o‘smirlar! Sizlar uchun yangi sahifalar tashkil etdik. Sizga yaxshilik va ezgulik yor bo‘lsin.

2-bet

8-11

5-bet

12-16

7-bet

17-20

TABRIKLAYMIZ!

O‘qituvchilar va murabbiylar kuni munosabati bilan mamlakatimiz ta’lim-tarbiya tizimida alohida o‘rnak ko‘rsatgan xodimlardan bir guruhini mukofotlash to‘g‘risida O‘zbekiston Respublikasi Prezidentining Farmoni e‘lon qilindi. Mukofotlangan barcha ustoz va murabbiylarimizni tabriklaymiz. Yosh avlod tarbiyasida aslo charchamang, deymiz.

MAKTABDA BAYRAM



Poytaxtimizning Chilonzor tumanidagi 202-umumta’lim maktabida ham. Ustozlar va murabbiylar kuniga bag‘ishlangan bayram tantanasi bo‘lib o‘tdi. O‘quvchilar yod olgan she‘rlari bilan ustozlarini muborakbod etishdi.

Maktabning sobiq o‘quvchilari, hozirda estrada sirk kollejining sozandachilik 2-«G» guruhi talabalari turli millatlarning sho‘x musiqalarini ijro etishdi. Hammadan ham 8-«A» sinf o‘quvchisi Munojot Nabiraxo‘jayevaning raqsi barchaga ma‘qul bo‘ldi. Ushbu bayram tadbirini tashkillashtirishda maktab ma‘naviyat va ma‘rifat ishlari bo‘yicha direktor muovini Ma‘mura Xo‘jayeva o‘quvchilarga yaqindan yordam berdi.

Botir RAMAZONOV

«TOSHKENT OPEN – 2007»

Poytaxtimizning Toshkent tennis markazida dunyoning 20 ga yaqin tennis malikalari mehmon bo‘lib turibdilar. Ular mukofot jamg‘armasi 145 ming AQSH dollari uchun o‘zaro bellashmoqda. Hozircha opangiz Oqgul Omonmurodovaning ushbu bahslarda erishayotgan yutuqlari barchani quvontirmoqda.

Tennis malikalariga omad tilaymiz.

IQTIDORLILAR MASKANI

To‘rtko‘l tumanidagi ikkinchi zamonaviy akademik litsey foydalanishga topshirildi. Tuman ko‘rkiga ko‘rk bo‘lib qo‘shilgan litseyda 720 nafar iqtidorli o‘g‘il-qizlarning bilimlari yana-da charxlanadigan bo‘ldi.

BEPUL CHIPTALAR BERILDI

«Diniy bag‘ri kenglik va millatlararo totuvlik» shiori ostida Mirzo Ulug‘bek nomli madaniyat va istirohat bog‘ida tadbir bo‘lib o‘tdi. Unda yoshlarga millatlararo do‘stlik va hamkorlikni rivojlantirish, ular orasida do‘stlik rishtalarini yana-da mustahkamlash, bo‘sh vaqtlarini mazmunli o‘tkazish hamda gilyovand moddalarning salbiy oqibatlari haqida tushuncha berildi.

«Ijtimoiy himoya yili» munosabati bilan kam ta‘minlangan oila farzandlariga bog‘dagi o‘yingohlarda bepul uchishlari uchun chiptalar berildi.

Xushta'm anorday shirin gazeta bu!



– Bobojon, juda shirinmi?
– Dunyodagi eng shirin anor bu, bolajon!
– Anorlaringizdan «Tong yulduzi»ni sevib o‘qiydigan tengdoshlarimga ham yuboraylik.
– Juda yaxshi. Gazeta Seni saxiylikka o‘rgatayotgan ekan, bu yil ham seni unga obuna bo‘lishing uchun pul beraman.

Avvallari sinf sardori bo'lishni orzu qilardim. Bu yil sinf rahbarimiz Gulnora opa meni sinf sardori qilib tayinladilar. Lekin sardor bo'lishning ham o'ziga yarasha mas'uliyati borligini bilmagan ekanman. Biror sinfdoshim maktabga kelmay qolsa, sababini aniqlashim va bu haqda sinf rahbarimizga ma'lumot berishim, darsda to'polon qilgan bolalarni ham tinchlantirishim kerak. Bu hali hammasi emas. Barchaga o'rnak bo'lish uchun faqat «a'lo» baholarga o'qishim, namunali xulqqa ega bo'lishim ham kerak. Sinf sardori bo'lish biroz qiyin bo'lsa-da, ustozimizning ishonchini qozonganimdan, ular menga suyanayotganlaridan mamnunman. Yaqinda Gulnora opamga bag'ishlab she'r ham yozdim:

SARDOR BO'LDIM



*Kasbingiz mashaqqatli,
Aziz ustoz, bilaman.
Shunday bo'lsa-da, sizga
Juda havas qilaman.*

*Maftuna BOTIROVA,
Toshkent viloyati, Chirchiq
shahridagi 25-maktabning
3-«B» sinf o'quvchisi*

Aralash test:

1. $2+2 \times 4$ ning qiymati nechaga teng?
A) 12; B) 18; C) 16.
2. «O'quvchiga esdalik» she'rining muallifini toping?
A) Erkin Vohidov; B) Safar Barnoyev;
D) Quddus Muhammadiy.
3. Tabiatning qaysi hodisasi Rixter shkalasi bilan o'lchanadi?
A) vulqon; B) zilzila; C) toshqin.
4. Maqolni davom ettiring:
«Odobli bola ... manzur»
A) xalqqa; B) elga; C) barchaga.

«H»mi yoki «X»

Ko'p hollarda «x» va «h» harfidan boshlanadigan so'zlarni uchratganingizda, qanday yozilishiga ikkilanib qolasiz. Ayniqsa, insho yozayotganingizda to'g'ri kelib qolsa bormi?! Yumshoq «h» bilan qattiq «x»larni farqiga bormay ham qolasiz. Sizlar shunday holatga tushib qolmasligingiz uchun e'tiboringizga shu harflardan yoziladigan so'zlardan namunalar berib borishga qaror qildik:

To'g'ri yozishdan saboq

«X», ya'ni qattiq:

xabar
xavotir
xavf
xayol
xazina
xazon
xayr
xalal
xalaqit
xaloyiq

«H», ya'ni yumshoq:



ha
habash
hayo
habib
havas
havza
havo
had
hadik
hayot

Siz nima deysiz?

*Do'stini xafa qilgan
tengdoshingizga qanday
tanbeh berasiz?*



*Yurtimizda kuz oyi fayzli
kechadi. Bu oyda Siz ham meva-
chevalar terishda kattalarga
yordam beryapsizmi?*



*Qobil nega xafa?
Unga nima bo'ldi?*



*Suratdagi bolakay-
larga do'ppi juda yarash-
gan-a?*

*Do'ppi haqida bilgan-
laringizni yozib yu-
boring. Albatta gazeta-
mizda e'lon qilamiz.*

ERKAKLARNING ALLA AYTGANINI ESHITGANMISIZ?

Men va singlim onajonimizni haddan ortiq sog'inganimizda ko'rpaga boshimizni tiqqancha o'ksib-o'ksib yig'lar edik. Bobojonim esa ikkalamizni o'rtamizga kirib olib: «Sizlarga ertak aytib beraymi?» derdilar, singlim: «Yo'q, alla aytib bering», derdi. Bobom allalarini boshlab yuborardilar:

*Qo'zichog'im, do'mbog'im,
Uxlab qolsin o'g'lonim,
Alla o'g'lim, alla-yo,
Uxla qizim, alla-yo.*

*Onang kelar saharda,
Asal berar nahorda,
Alla o'g'lim, alla-yo,
Novvot qizim, alla-yo.*

*Osmondan qushlar o'tdi,
Onangga xat olib ketdi,
Uxla o'g'lim, alla-yo,
Shirin qizim, alla-yo.*

*Ko'z yoshlaring mo'l bo'ldi,
Yelkalarim ho'l bo'ldi,
O'g'il bola yig'lamas,
Uyat bo'lar, alla-yo alla.*

O'n beshga kirib qolsam-da, haligacha bobomning allalarini qo'msayman. Yaqinda bir tush ko'ribman. Men ham kattayib, bobo bo'lgan emishman. Qizim esa chet elda o'qishda emish. Nevaramga xuddi bobom bizga aytgan allani aytayotgan emishman. Nevaram nima dermish deng:

– Bobo, erkaklar ham alla aytadimi?

– Ha, aytadi bolam, aytadi. Masalan, mening oyim Toshkentda ishlar edilar. Ular qiynalib qolmasliklari uchun bobom bizlarni o'z uylariga olib kelganlar. Biz esa onamizni sog'inib yig'lar edik. Ana o'shanda hozir men senga aytgan allani bobom bizga aytib berganlar.

Qiziq, o'ylab qoldim. Rostdan ham bobomdan boshqa erkaklar ham alla aytarmikin?! Erkaklarning alla aytganini hech eshitganmisiz?

*Shahzod TO'RAYEV,
poytaxtimizdagi 302-maktabning 8-sinf o'quvchisi*

BOBOLARDAN QOLGAN MEROS

— Xabaringiz bor, «Kamalak» Bolalar tashkilotining yangi tahrirdagi Nizomi Respublika «Kamalak» Bolalar tashkilotining II konferensiyasi tomonidan tasdiqlangan edi. Ushbu Nizom bolalar taklifi bilan qayta ishlandi.

Ayni paytda joylarda sardorlar, yetakchilar saylovi o'tkazilyapti. Ayniqsa, chekka qishloq maktablariga e'tiborni qaratganmiz. Sababi, ilgari «Kamolot»ning ko'plab tadbirlari shaharlarda, nari borsa, tuman markazlarida o'tkazilar edi. Qishloqlarda, chegara hududlarida jami 63 tadan ortiq yoshlarning ijtimoiy xizmat markazlari tashkil etilgan. Unda o'quvchilar ko'plab to'garaklarga jalb etilgan. Shuningdek, tadbirkorlik qobiliyatlarini shakllantirish uchun ham keng imkoniyat yaratilgan.

Bolalar o'rtasida sport musobaqalariga keng o'rin beryapmiz. Birgina «Shunqorlar» harbiy-sport musobaqalarida 181 ming nafar o'rta umumta'lim maktab o'quvchilari, 82 ming nafardan ortiq maxsus, kasb-hunar ta'limi tizimi o'quvchi-yoshlari ishtirok etishdi.

Bundan tashqari, «Kamolot» kutubxonasi tomonidan «Mehribonlik uy»lariga, maktablar kutubxonalariga tarbiyaviy ahamiyatga ega bo'lgan adabiyotlar yetkazib berish ishlariga tashkilot ham o'z hissasini qo'shmoqda.

Markaziy Kengash ko'plab xalqaro tashkilotlar — BMTning O'zbekistonda faoliyat yuritayotgan YUNISEF, YUNESKO, YUNAYDS tashkilotlari, Yevropadagi Xavfsizlik va Hamkorlik tashkilotining Toshkentdagi mintaqaviy vakolatxonalarini, Ozarbayjon, Misr, Xitoy, Qirg'iziston davlatlaridagi yoshlar siyosati bilan shug'ullanuvchi davlat tashkilotlari bilan ham do'stlik aloqalari o'rnatgan.

27-sentabr kuni «Kamolot» YOIHMKda Xalqaro konferensiya o'tkazildi. Unda AQSH, Germaniya, Yaponiya, Hindiston kabi mamlakatlaridan taniqli olimlar, yoshlar murabbiylari taklif etildi. Konferensiyada yoshlarning yutuq va muammolari, yoshlar tashkilotlarining faoliyati o'rganildi.

Hali qilishimiz lozim bo'lgan ishlarimiz juda ko'p. Ayniqsa, bilib-bilmay jinoyat ko'chasiga kirib qolganlar orasida o'quvchilarning ham borligi bizni tashvishlantiradi. Bu borada tashkilotimiz yangi loyihalar ustida ish olib bormoqda.

Davlatimiz tomonidan yoshlarning ilm olishlari, hunar o'rganishlari uchun keng imkoniyatlar yaratilgan. Undan to'g'ri foydalanish lozim. Yurtimizga halol xizmat qiladigan, Vatanga sodiq, vatanparvar insonlar bo'lib yetishishda Siz aziz yoshlarga yaxshi kayfiyat, sog'lomlik va omad tilayman. Zero, vatanparvarlik bobolardan qolgan merosdir. Ana shu merosga sodiq qolish esa har birimizning burchimizdir.



GAZETAMIZ MA'QUL BO'LDI

Muhayyo SAMIGOVA,
Uchtepa tumanidagi
197- maktabning 8-«A» sinf sardori:

— Maktabimizdagi «Kamalak» Bolalar tashkiloti sardorlar Kengashi tomonidan Uchtepa tumanimizning 30 yilligi munosabati bilan sinflararo devoriy gazeta tanlovi o'tkazildi. Tanlovda biz o'zimizning gazetamiz bilan ishtirok etdik. Unda Yer shari tasvirlandi va O'zbekiston alohida o'rin egalladi. O'zbekiston ichida esa tumanimizning o'z o'rnini va roli borligi ifodalandi. Gazetamiz barchaga ma'qul bo'ldi va g'oliblar safidan joy oldik.



Feruza SOYIBJON qizi yozib oldi

OCHILMAGAN TILSIM

Dunyoda eng baxtli inson kim deb so'rasalar, hech ikkilanmasdan «Ustoz» deb javob bergan bo'lardim. Bolalarga qalbidan mehr bera olgan insongina ustoz bo'la oladi. Bola qalbidagi his-tuyg'ularni sezadi. Bu esa ilm o'rganish va ilm o'rgatish uchun qo'yilgan birinchi qadamdir.

— Men bir-biridan shirin, beg'ubor bolajonlarga 20 yildan beri ta'lim-tarbiya berib kelaman. Ko'p yillik tajribamdan shunga amin bo'ldimki, har bir bola bir dunyo, ochilmagan tilsim, — deydi Buxoro viloyati, Shofirkon tumanidagi 18-maktab o'qituvchisi Lutfiya Nabiyeva. — Ustoz ana shu tilsimni ocha bilishi, har qaysi bolaning qalbini zabt etishi lozim.

O'quvchilarimning mehri qo'limga qalam tutqazdi, ularga bag'ishlab she'r yozdim:

«A» harfini o'tganimda, «V»ni o'qib kelishdi,
Boshqasini o'tay desam, barchasini bilishdi.
Ish rejamda to'qqiz harf, ne qilishim bilmayman,
«Alifbe»ni bolajonlar o'qib, yodlab bo'lishdi.

Katta «L» va kichik «L» ni qanday farqlay olishgan?
Hayron qoldim, ular meni gangitib ham qo'yishdi.
Ko'paytirish jadvalini yodlab olgan bittasi,
Poytaxtlardan savol berib mot qiladi bittasi.

Lutfiya opa aytganidek, ustozlik yo'li ezgulikka tutash. Mustaqillik ustoz-o'qituvchilar nomini va ishini e'zozlab, bu yo'lni yana-da nurafshon etdi. Endi bu yo'ldan yurganlar qismati Vatan istiqloli bilan kamarbasta bo'lishi shubhasiz.

Shohjahon RAUPOV

«Kamolot» yoshlar ijtimoiy harakati bugungi kunda respublika miqyosidagi yirik tashkilot sifatida shakllanib borayotgani barchamizga ayon. Tashkilot faoliyati bilan yaqindan tanishish maqsadida O'zbekiston Respublikasi «Kamolot» YOIHMK raisi Akrom Alimov bilan uchrashdik va ular quyidagilarni gapirib berdilar:



AMOLOT

YETAKCHI MAS'ULIYATI

Akmal ALIMBEKOV,
«Kamolot» yoshlar ijtimoiy harakati
litsey bo'limi yetakchisi:

— Men Toshkent Irrigatsiya va melioratsiya instituti qoshidagi Yunusobod akademik litseyi talabasiman. Shu bilan birga, «Kamolot» yoshlar ijtimoiy harakati litsey bo'limi yetakchisiman.

O'z tengdoshlaringga, kerak bo'lsa, o'zingdan katta yoshdagi bolalarga yetakchi bo'lish katta mas'uliyat talab etadi. Shuning uchun ham har bir ishni avvalo, puxta o'ylab, ustozlarimiz bilan maslahatlashib amalga oshirishga harakat qilaman.

Yaqinda litseydagi 1-guruh talabalaridan 18 nafarini «Kamolot» tashkilotiga qabul qildik. Ular tashkilotga a'zo bo'lishganidan, biz esa safimiz kengayganidan quvondik.

OZ-OZ O'RGANIB, DONO BO'LUR

Siz 16 yoki 18 yoshdasiz. Katta yo'lga chiqyapsiz. Siz bilim olishga, o'qib o'rganishga intilib yashashingiz shart. Quyidagilarning birortasi Sizga jindek yordam ko'rsatar, degan umiddamiz.



QAYSI GULNI TERMOQ LOZIM?

Dunyo – yastanib yotgan bepoyon dala. Odamlar bu daladan haqiqat gullarini terib olish uchun yuborilgan terimchilardir.

Gullarning orasidan haqiqat gullarini ajratib olish qiyin. Lekin qanchalik mashaqqat bo'lmasin, faqat haqiqat gulini termoq lozim!

G'ulom OZOD

KIM BIRINCHI BO'LIB SALOM BERSA...

Shu'ba ibn Sayyor aytadilar: «Sobit Bunoniy bilan ketayotgan edim, oldimizdan bolalar chiqishdi. Sobit ularga salom berdi va: «Rasululloh (sollollohu alayhi vasallam) bilan ketayotganimizda, oldimizdan bolalar chiqqan va u zot bolalarga salom bergan edilar».

Bu rivoyatning sharhi shuki, kim oldin salom bersa, birinchi bo'lib savob oladi.



KIMLARDAN NAFRATLANISH KERAK?

To'rt toifa o'smirdan hamma nafratlanadi: qasamxo'rlardan, yolg'onchilardan, ilm olmaydiganlardan va kitob o'qimaydiganlardan.

PULGA SOTILMAYDIGAN NARSA

Donodan so'radilar:

– Odamni nima ziynatga burkaydi: pulmi yo bilim?

– Bilim! – javob qildi dono. – Pul – qo'lning kiri. Bugun bor, ertaga yo'q. Bilim esa hamisha o'zingda bo'ladi. Bilim xohlagancha pul topish mumkin. Lekin pul bilan bilimni sotib olib bo'lmaydi.

QORASAROY

Bolalar, bilasizmi, hayotning har bir daqiqasi go'yo inson umrini yaxshilikka chorlab turuvchi bir hikmatga o'xshaydi. Buning uchun esa o'sha insonda bolaligidan olgan ta'lim-tarbiyasi asqotadi.

Biz kuni kecha XTV mutasaddilari bilan poytaxtimizda yangidan qad rostlagan maktablarda mehmon bo'lib, boy taassurotlar bilan qaytdik.

Bundan bir necha oy avval avtobusda ikki o'quvchini suhbatini eshitib qolgandim. «Buyuk Britaniya va Ukrainadan kelgan mehmonlar maktabimizni rosa maqtashdi, biz bilan sinf xonalarida esdalik uchun rasimga tushdilar», deya faxrlanardilar.

Bolajonlarning zavqlanib so'zlayotgan o'sha maktabini bir borib ko'rgim keldi. Oradan hech qancha vaqt o'tmadi. «1-oktabr – O'qituvchi va murabbiylar kuni» bayramiga bag'ishlab o'tkazilgan tadbirda biz jurnalistlar maktablarga tashrif buyurdik. Rosti, yurtimizda xorij maktablaridan qolishmaydigan, zamon talablariga javob beradigan bunday o'quv maskanlarining qad rostlab turganligi ko'zlarimizni



QADRDON DARGOH

– Men ham shu maktabning sobiq o'quvchisiman. Sizlarga faxrlanib aytamanki, bu maktab mening qadrdon dargohimdir. 20 yildirki, bolaligim o'tgan ushbu maskanda direktorman. Shu yillar orasida biz jamoamiz bilan 2 ta katta ta'mirlash ishlarini bajardik. Maktabimizning yangidan qad rostlashi mahalla ahlini-yu o'quvchilarimizni, xodimlarimizni, barcha-barchamizni g'oyat quvontirmoqda. Hozir maktabda 15 ta fan to'garaklari muntazam ishlab turibdi. Har bir sinf xonasi zamonaviy jihozlangan. Barcha shart-sharoitlarga ega maktabimizda yosh avlodga ta'lim-tarbiya berishdek ulug' ish bilan band ekanligimizdan behad shodmiz.

Noila RAHMONOVA,
144-maktab direktori



OTCHOPARDA YANGI MASKAN

Ustozlar va murabbiylar kunida «Otchopar» mahallasi katta sovg'a bilan taqdirlandi. Bu yerda ularning farzandlari uchun ajoyib maskan qurib bitkazildi.

«Ijtimoiy himoya yili»da foydalanishga topshirilgan bu yangi binoda «Mehribonlik uy»larida, maktab internatlarida tarbiyalanayotgan bolalar ham o'zlari yoqtirgan hunarni egallashlari mumkin.

yal-yal quvonchga, dilimizni esa g'ururga to'ldirdi.

Poytaxtimizning Sobir Rahimov tumanidagi 28-umumiy o'rta ta'lim maktabiga kirib borganimizda binoning ko'rinishi bizni hayratga soldi.

Uch qavatli maktab binosini ko'zdan kechirib, ular uchun yaratilgan shart-sharoitlar bilan tanishdik. Ko'rkam maktab binosining 47 ta sinf xonasining har biri go'yo mo'jiza. Ularda so'nggi rusumdagi 103 ta kompyuter ishlab turibdi. 4 ta EXM sinf esa internet tarmog'iga ulanganligi yana hayratingizni oshiradi. Bu maktabda Xastimom, Qorasaroy, Istiqlol va Namuna kabi mahallalarining farzandlari ta'lim-tarbiya olishmoqda. Men shu tobda bu mahalla bolalariga juda havas qildim. Boisi, maktab dunyo ahlini hayratda qoldirgan ulug' va muqaddas dargoh Xastimom masjidi yonida joylashganligining o'zi bolalar uchun katta baxt. Negaki, bu tabarruk dargohni ko'rish maqsadida dunyoning to'rt tomonidan kelayotgan sayyohlarni ko'rgan o'quvchilar ajdodlarimiz qudratiga cheksiz hurmat bilan boqishni ham o'rganmoqdalar.

MO'JIZASI

Yakkasaroy tumanidagi 144-sonli umumiy o'rta ta'lim maktabining o'quvchilari ham yangidan qad rostlagan maktabda o'qishni boshladilar. Bugungi kunda 750 nafar o'quvchiga mo'ljallangan maktab binosida o'quvchi-yu o'qituvchilarning quvonchini ko'rsangiz, beixtiyor ularning shodligiga sherik bo'lgingiz kelaveradi.

– Men shu maktabning sobiq o'quvchisiman, – deydi tuman Xalq ta'limi mudirasi Shohida Usmonxo'jayeva. – Maktabimizda 2007-yil aprel oyida Respublika «Mehr nuri» jamg'armasi tomonidan kapital ta'mirlash ishlari boshlangan edi. Bu ishlarga hissa qo'shgan sobiq o'quvchimiz Faxriddin Yusufxo'jayevga cheksiz

«MEHR NURI» SIYLAGAN MAKTAB

minnatdorchilik bildiramiz. Uning tashabbusi va homiyiligi mahalla ahlini, ustozlarini ko'nglini tog'dek ko'tardi. Maktabda ta'lim-tarbiya olayotgan har bir o'quvchimiz Faxriddin kabi yaxshi inson bo'lishga bel bog'lagan. Buning uchun «Maktab, mahalla, oila» yo'nalishi bo'yicha olib borayotgan ishlarimiz tuman miqyosida o'z o'rnini topgan.



YANGI O'QUV YILI BINODA

Maktabimizning eski binosi 1937-yilda qurilgan edi. Ammo bugungi ko'rinishi naq mo'jizaning o'zginasi.

Sinf mebellarimiz «Stekloplastik» korxonasi mahsulotlari bilan to'ldirildi. Maktab atrofiga igna bargli, manzarali daraxtlar o'tqazildi.

Dildora ORIPOVA,
Sobir Rahimov tumanidagi
28-maktab direktori

AKADEMIK BO'LAMIZ

Azim SHARIPOV,

144-maktabning 8-«G» sinf o'quvchisi:

– Ustozlarimiz aytishadiki, maktabimizda 13 nafar professorlar, 7 nafar akademiklar va fan nomzodlari yetishib chiqqan ekan. Biz ham bunday nufuzli maktabning eng yaxshi o'quvchilari bo'lmoqchimiz. Niyatimiz, ulardek fan zahmatkashlari bo'lish.

Ma'mura MADRAHIMOVA



QIZLAR

Yurtimiz chiroyi, erkasi sizlar,
Hayotning ishonchi, ertasi sizlar.
Hamisha hayotning o'rtasi sizlar -
Juda ham go'zalsiz, go'zalsiz qizlar.

Otangiz, onangiz quvonchi sizlar,
Sizga boqib turar necha ming ko'zlar.
Sha'ningizga doston yozaylik bizlar,
Juda ham go'zalsiz, go'zalsiz qizlar.

Sayohat O'RINOVA

YOLG'ONNING UMRI QISQA

Hurmatli tengdoshlar! Yaqinda men birgina yolg'onim sabab, maktabga borishga, ustozim ko'ziga qarashga uyalib yurdim. Sizlar ham mening kunimga tushmanglar, deya ushbu maktubni yo'llayapman.

Uyimizga mehmonlar keladigan bo'lishdi.
Shu kuni maktabga ham bormadim.
Ustozimga biror bahona to'qirman, deb o'yladim.

Lekin dushanba kuni maktabga borganimda, to'g'risi, yolg'on-bahona to'qishga qiynaldim.

- Qani, Madina qizim, juma kuni nega darsga kelmading?! - so'rab qoldilar ustoz.

- Betob bo'lib qoldim, - dedim.

- Ertaga albatta kasal bo'lganing haqida shifokor ma'lumotnomasini olib kel, - dedilar u kishi.

Ertasi kuni ustoz sinf xonaga kirishlari bilan mendan kechagi ma'lumotnomani so'radilar.

- Uyda qolib ketibdi, - dedim ovozimni o'zim bazo'r eshitadigan ohangda.

Bu hol ikki-uch kun takrorlandi. Oxiri chidolmaganimdan yig'lab yubordim.

- Ana, ko'rdingmi qizim, bir yolg'on ketidan bir qancha yolg'on chiqib kelaverishini, - dedi ustozim muloyimlik bilan.

Boshqa yolg'on gapirmaslikka ahd qildim.

MADINA

5

Bizga yozadilar



Salom «Tong yulduzi» gazetasi xodimlari!
Men bu yil 7-sinfga qadam qo'ydim. Keyingi paytlarda nafaqat menda, balki boshqa sinfdoshlarimda ham o'zgarish sezyapman. Bir qarasa, hamma narsa o'z yo'lida davom etayotgandek, gohida esa hech narsa yoqmaydi. Kuni kecha hech qachon xafa qilmagan onajonimni ham ranjitib qo'ydim. Shunda qo'shni ayol: - Qo'yavering, hozir ular shunday yoshda-da. O'smir yoshidagilar shunaqa bo'lishadi, - dedilar.

O'smir yoshidagi bolalarda qanday o'zgarishlar bo'ladi? Shu haqda batafsil ma'lumotlar bersangiz.

Saidnazar MURODOV,
Qashqadaryo viloyati, Qamashi tumani

TAHRIRIYATDAN: Biz Saidnazarning maktubini to'liq tarzda chop etdik. U tenggi bolalarda har xil o'zgarishlar bo'lishi tabiiy hol. Bu haqda gazetamizning navbatdagi sonlarida batafsil ma'lumot berishga harakat qilamiz.

MUCHAL TO'YIMIZ BO'LADI

Men bu yil 6-sinfga o'tdim. Sinf rahbarimiz bu yil muchal to'yimiz bo'lishini aytganlarida, juda quvonib ketdik. Chunki insonning muchali har 12 yilda kelarkan-da. Muchal to'yimizga hozirdanoq tayyorgarlikni boshlab yuborganmiz. Sinf rahbarimiz, kimni xohlasangiz taklif qilavering, dedilar. Biz bir ovozdan muchal to'yimizga «Tong yulduzi» jamoasini ham taklif qilishga kelishib oldik.

Nafisa RAHIMBOYEVA,
Toshkent viloyati, Parkent tumanidagi
27-maktab o'quvchisi



MAKTABDA HOSIL BAYRAMI

Maktabimizda kuz faslida «Hosil bayrami»ni o'tkazish an'anaga aylanib qolgan. Sinfimiz bilan bu tadbirga qizg'in tayyorlanayapmiz. Sahna ko'rinishi, she'r va qo'shiqlarimiz bilan bu bayramni yana-da qiziqarliroq o'tishiga o'z hissamizni qo'shmoqchimiz.

Rahmatilla MUHSIMOV,
Sobir Rahimov tumanidagi
111-maktabning 4-«B» sinf o'quvchisi



BAHORIIY SHABADA EPKINI

Avvalroq Zilola SANAYEVAning «Rayhon guli» nomli she'rlar kitobchasini o'qigan edim. O'shanda u 6-sinfda o'qirdi.

Endi u nasr orqali o'z tengdoshlari diqqatini Mirzacho'l kengliklariga, u yerdagi o'ziga xos qaynoq hayotiga qaratmoqchi bo'libdi...

Men keng dalani-yu bepoyon cho'llar bag'rida unib-o'sganman, deya o'z tengdoshlariga g'urur bilan faxrlanib aytadi. Shuning uchun ham Zilolaning yozganlaridan olis sarhadlarning bahoriy shabada epkini ufurib turganday bo'ladi.

Dadaxon NURIY



ARAZCHI

Nimagadir Nigora arazlab qoldi. U Dilrabo bilan yon qo'shni, sinfdosh, yaqin dugona edi. Hammani havasi kelar edi ularga. Bugun matematika darsidan ular sinf ishi topshirishdi. Nigora dugonasiga ko'chirtirmoqchi edi, Dilrabo u tarafga qaramadi-da! Uch-to'rt kun bo'ldiki, ular indamasdan yurishibdi. Nigoraning oyisi ular o'qiyotgan maktabda o'qituvchi edi. Uning ziyrak nigohi buni darrov payqadi.

- Qizim, nega Dilrabo bilan gaplashmayapsan?

- O'zi gaplashsa gaplashaman-da...

Ona-bola maktabga ketishayotganda, yo'lda Dilrabo uchrab qoldi.

- Assalomu alaykum!

- Vaalaykum assalom. Qizim, nega Nigora bilan gaplashmayapsizlar, yaqin dugonalar bunday qilishmaydi. Qani, qo'llaringizni uzatib yarashib olinglar-chi.

Ular bir-birlariga qo'llarini uzatishdi va birdan kulib yuborishdi.


- O'zi nimaga urishib qolgan edik, Nigor? - dedi Dilrabo.

- Bilmayman! - dedi Nigora.

Shu-shu bu ikkala arazchi dugona hecham bir-biridan ajralmaydigan bo'lishdi.

Zilola SANAYEVA,
poytaxtimizdagi 322-maktabning
7-«A» sinf o'quvchisi

Astrid LINGREN



va Bolakay haqida qissa

Bolakay lip etib Karlsonning yelkasiga chiqdi. Karlson motorini yurgizdi. U derazadan uchib chiqdi-yu, yaqin atrofdagi tombar ustida bir nafas uchib yurdi. Motoriga ishondi shekilli, nihoyat, o'zi yashaydigan tomga qarab uchdi. Birozdan keyin uychasining yoniga borib qo'ndi.

— Ana, keldik, — dedi Karlson, — qani ko'raychi, mening kulbaxonamni topolasanmi, yo'qmi?

Bolakay hech qachon tom boshiga chiqmagan edi. To'g'ri, u hovlida turib, beliga arqon bog'lab olgan bir amakining mo'rkonlarini tozalab yurganini ko'p ko'rgan. Har safar o'sha amakini ko'rganda, bechoraning oyog'i toyib yiqilib tushmasin-da, deb yuragi potirlar edi.

Ana endi o'zi tomda yuribdi. Karlsonning uychasi qaysi mo'rkonning orqasida ekan, deb yon-atrofga alanglardi. Oxiri topdi. Bir mo'rkonning shundoqqina biqinida ko'krangga bo'yalgan jajjigina uycha ko'rindi.

Uychaning oldi jajjigina ayvoncha, eshikchasi ham kichkina, bejirim edi. Uycha sirtiga kaftdek temir parchasi yopishtirilgan, unga «Tomda yashaydigan Karlson» deb yozilgan edi.

Karlson eshigini lang ochdi-da, birinchi bo'lib o'zi ostona hatladi.

Xursand bo'lib, qulochini yoyganча xitob qildi:

— Kulbimizga xush kelibsizlar, qadrli Karlson va uning yangi do'sti Bolakay! Marhamat qilsinlar!

Karlson kira solib, o'zini divanga tashladi:

— Uh, biroz dam olay. O'lguday charchadim...

Bolakay bo'lsa qiziqib uychani tomosha qila boshladi. Bu yerda divandan tashqari kichkina stol, ikkita stul, temir panjara qoplangan qalin va ovqat pishirishga mo'ljallangan g'aroyib plita-o'choq bor edi. Lekin bug' mashinalari ko'rinmasdi.

— Bug' mashinam ko'p deb eding, qani ular? — so'radi Bolakay.

Karlson hech narsa bo'lmagandek yolg'onlab qo'ya qoldi:

— Portlab ketdi, ishonasanmi, biri qolmay portladi. Lekin sen xafa bo'lma, Bolakay, hali senga ko'p qiziq narsalarni ko'rsataman.

Karlson sakrab turdi:

— Dam olib oldim. Yur, endi ikkovimiz tomma-tom o'tib

tomosha qilamiz. Ketdikmi?

— Ketdik!

Ular qo'l ushlab uydan chiqishdi. Bolakay rosa sevindi. Axir u hech qachon bunaqa baland tomlarda yurib, yerni tomosha qilmagan edi-da. Qosh qoraya boshladi. Osmon ko'kimtir tusga kirdi. Atrof jim-jit. G'ir-g'ir shabada esadi. Yengil shamolda oq teraklarning yaproqlari shivirlaydi, go'yo Karlson bilan Bolakayga sirli bir ertak so'zlayotgandek tuyuladi. Ikki do'st tombar tomga irg'ishlab yurishibdi. Tombar bir-biriga taqalib turgan bo'lsa-da, bemalol sayr qilish xavfli edi. Ba'zi yerda ikki uy orasi yarim qadamcha ochiq qoldirilgan. O'shanaqa joylardan o'tishda toyib ketish qiyin emas.

— Bolakay, ehtiyot bo'! — deydi-yu, Karlson narigi tomga sakraydi. Bolakay unga taqlid qilaman, deb tombar yoriqqa qulab tushay dedi. Yaxshiyam Karlson o'z vaqtida qo'l cho'zdi, bo'lmasa...

— Kechqurunlari uyda bir o'zim o'tirib zeriksam, mana shunday aylanib yuraman, — dedi Karlson, — ba'zan odamlar bilan hazillashib ham qo'yaman.

— Qanaqasiga hazillashasan? Birovlar xafa bo'lmaydimi?

— Tentak kishi hazilga xafa bo'ladi,

— dedi Karlson, — mana, sen xafa bo'larmiding?

Bolakay javob berishga ulgurmasdi. Yaqin yerdan go'dak bolaning yig'isi eshitildi. Bolakay quloq solib turdi. Chaqaloq bir to'xtab, yana yig'lar, eshitgan odamning rahmini keltirardi.




6 Davomi. Boshi o'tgan sonlarda.

(Davomi bor.)

USTA VA CHARXPALAK

Shoyim BO'TAYEV

(Ertak-qissa)



Ko'rishga qiziqib kelganlarning barchasiga sichqonni chopqir otni yoki olg'ir burgutni maqtanib ko'rsatayotgandek bajonu dil ko'rsatarmish. Bu ham yetmagandek, kelganlarning oldiga dasturxon yozib, dasturxon ustida sichqonning ko'z ko'rib, quloq eshitmagan boshqa qiliqlarini ham gapirib berarmish, hayron qolganini aytarmish. Odamlar sichqonni muhokama qilishdan charchamasdi: balki bu sichqon dunyodagi barcha sichqonlarning podshosi bo'lib, tasodifan adashib, savdogarning uyiga kelib qolgandir deyishardi, balki bu sichqon sichqon emas, fildir... anavunaqa... tanosux¹ bois sichqonga aylanib qolgandir, deyishardi. Balki bu sichqon umuman hayvon zotidan emasdir. Har kim har xil tasmollarni aytishardi. Bu tasmollarning birortasiyam jo'yali emasdi.

Mish-mishlar Ustaning qulog'iga ham yetdi.

1. Tanosux — evrilish, ruhning ko'chishi.

O'z ishi, charxpalak yasab, Muqaddas Chashma arig'ining narigi sohildagi qishloqlarga suv chiqarib berish xayoli bilan band bo'lgan usta avvaliga bu mish-mishlarga umuman e'tibor qaratmadi. Ertasi kuni erta tongda kecha qulog'iga chalingan mish-mishlari yodiga tushib qolib, kutilmaganda unga ajoyib bir fikr kelib qoldi.



SAVDOGARNIKIDA

Kutilmaganda Ustaning kallasiga ajoyib bir fikr kelib qolishi bilan u odatdagidek o'zini tutolmay: — Topdi-im! — deganicha qichqirib yubordi.

Keyin ovozimni hech kim eshitmadimikin, degan xavotirda tevarak-atrofga olazarak nazar tashlab oldi. U xavotirlanmasa ham bo'laverardi, negaki, kechagi og'ir mehnatdan toliqqan odamlar boshlarini ko'tarolmay tong uyqusini olishardi.

Usta savdogarnikiga qarab yo'l oldi.

Ustaning bu qadar erta tashrifi savdogarni ajablantirdi.

Ular salom-alik qilishdi.

— Narvon kerak bo'lib qoldimi? — so'radi savdogar Ustani narvonni so'rab kelgan gumon qilib.

Usta bosh irg'adi.

Savdogar narvonni ko'tarib chiqdi.

— Rahmat, — deya minnatdorchilik bildirdi u. — Ho'l bo'lgan yunglarni o'z vaqtida yoyib quritib oldim. Endi yana tuz olib kelyapman. Eshagimning esi kirib, yaramas odatini yig'ishtirgani yaxshi bo'ldi-da. Endi u tuzniyam xurjunga suv tegib ketmasin, deb juda ehtiyotkorlik bilan olib o'tyapti. Jo'yali maslahat bermaganingizda, ancha boshim qotib yuruvdi, endi sizdan qanchalik minnatdor bo'lsam arziydi.

Usta indamadi.

Narvonni yelkasiga ortmoqlab, paysallab turaverdi.

— Uyga kirib bir piyola choy ichib ketmaysizmi? — iltimos ohangida so'rab, Usta kutgan mavzuda savdogarning o'zi gap ochib qoldi. — Sichqonimiz ham inidan chiqib qolsa, uning g'alati qiliqlarini bir ko'rib ketardingiz.


Usta indamay yelkasidagi narvonni yana pastga tushirib qo'ydi.

TALABALIK

Alisher NAVOIY

Kuni kecha maktab partasida o'tirgan o'quvchi edingiz. Bugun esa litsey yoki kollej talabasisiz! Qalay, talabalik ma'qulmi? Yoki o'quvchilik davringizni, qadrdon maktabingizni qo'msayapsizmi?

Shu kabi savollar bilan shahrimizdagi turli kollej va litseylarda tahsil olayotgan talabalarga murojaat qildik.



Dono JONXO'JAYEVA, Sobir Rahimov akademik litsey talabasi:

— Talabalik meni ancha ulg'aytirib qo'ygandek. Z i m m a m d a maktabdagidan ham jiddiyroq mas'uliyat his qilyapman. Sababi, litsey o'qituvchilari ancha talabchan, tajribali, qattiqqo'l ekanlar. Shu bilan birga, juda mehribon, shirinso'z hamdirlar. Guruhimizda bilimli o'quvchilar juda ko'p. Shuning uchun ham darslarimiz ko'pincha bahs va munozaraga aylanib ketadi.

Qisqasi, bu dargohda tahsil olish menga juda yoqadi.

X a b i b u l l o HAMIDULLAYEV, Toshkent Gidrometeorologiya kolleji talabasi:



— Mening g'alati bir odatim bor: bolaligimda bog'chaga bormayman, uxlatadi, deya xarxasha qilardim. Maktabga chiqqach, bog'chamga qaytaman, u yer yaxshi edi, deya onamni rosa xunob qilganman. Litsey talabasi bo'lganimdan juda xursandman. Lekin qadrdon maktabimni, sinfdoshlarimni sog'inyapman. Yana bir yil maktabda o'qiysan deyishsa, yo'q demasdim...

Nozima UBAYDULLAYEVA, Jahon tillari instituti qoshidagi akademik litsey talabasi:

— Sinfirmizda eng a'lochi o'quvchi edim. Kollejda esa mendan ham bilimlroq o'quvchilar ko'p ekan. Ularga juda havasim kelyapti. O'qituvchilarimiz ham o'ta talabchanlar. To'g'risi, a'lochilar safidan tushib qolishdan qo'rqyapman. Shuning uchun ham ko'proq o'qishga, dars tayyorlashga harakat qilyapman. O'quvchilarimiz orasida ijobiy ma'noda raqobat bor. Shu jihatlari bilan litseyda tahsil olish menga juda ma'qul bo'lyapti.

Komila DEHQONOVA,

Sobir Rahimov akademik litseyi talabasi:

— O'quvchilik yillarimda tezroq maktabni bitirib, litsey yoki kollej talabasi bo'lishni orzu qilardim. Mana, niyatimga ham yetdim, litsey talabasi bo'ldim. Lekin maktab bilan litseyni hecham solishtirmayman. Chunki har birining o'z o'rni bor hayotimda.

Litseyimiz kutubxonasi menga juda yoqadi. U yerda maktabdagidan farqli o'laroq, kitoblar juda ko'p. Menga ma'qul bo'lgan yana bir jihati — darslarda olgan bilimlarimizni amaliyotda mustahkamlab borishimizdir.

Yuqorida ayrim tengdoshlaringizning fikrlari bilan tanishdingiz. Xo'sh, aziz talabalar, yuqoridagi savollarga Siz qanday javob bergan bo'lardingiz? Tahsil olayotgan litsey va kollejingiz qay jihatlari bilan Sizga ma'qul? Yoki aksincha, ta'lim-tarbiya, shart-sharoitlar borasida muammolar bo'lsa, bizga yozib yuborasiz, degan umiddamiz.

MA'QULMI?

Taklifingizga binoan «Aruz to'g'risida ma'lumot beruvchi qo'llanmalar oz. Gazetangiz orqali o'quvchilarni aruz bilan tanishtirib borsangiz».

«Kelajak tonggi» radioeshittirishidan tushgan savollardan.

SIZ ARUZNI

Aziz bolalar! Sizlarga ma'lumki, bezavol ma'naviyatimizning barkamol xazinalardan birini ming yillik tarixga ega bo'lgan mumtoz she'riyatimiz tashkil qiladi. Aruz tizimi vaznlar asosida yaratilgan lirik she'rlar yoqimli musiqiy ohangga ega bo'lib, kuylash uchun qulaydir. Bunday asarlar mumtoz musiqamiz va xalq musiqasining yuzlab kuylariga nihoyatda mos tushadi.



qo'llaniladi. Uning bunalik keng ko'lami umrboqiyiligi aruzga xos latif musiqiylik, ohanglar rang-barangligi, hayot voqeiligi va insoniy hissiyotlar olamini serjilo, jozibador ifodalash

imkoniyatlarning benihoyaligi bilan belgilanadi. Aruz vaznini o'rganish 5-11-sinf o'quvchilarining adabiyot majmualaridan o'rin olgan. Kelinglar, yaxshisi siz biz bilan birgalikda ushbu vaznga doir masalalarga to'xtalib o'tsak.

Aruz misralarining cho'ziq va qisqaligiga asoslanadi. Aruzda uch xil

bo'g'in bor. Ular quyidagicha ifoda etiladi:

1. Cho'ziq —
2. Qisqa V
3. O'ta cho'ziq — V

Cho'ziq bo'g'inning o'zi ikki qismga bo'linadi:

A) Yopiq bo'g'in: men, mak-tab, man-zil kabi so'zlar cho'ziq bo'g'indir.

B) Ochiq bo'g'in: (cho'ziq, unli bilan tugagan bo'g'in) do-no, ze-bo, ki-tob-lar-ga kabi so'zlar cho'ziq bo'g'inga kiradi.

Qisqa bo'g'in V ochiq bo'ladi (qisqa unli bilan tugagan urg'usiz bo'lib) ha-yot, mu-hab-bat.

v v

Kel-ma-di.

v

O'ta cho'ziq bo'g'in — V bir yarim bo'g'in.

Mehr, charx, jabr, sham

— v — v — v — v

Biz yuqorida ta'kidlab o'tgan bo'g'inlarni Zahiriddin Muhammad Bobur g'azali misolida ko'ramiz.

Charx-ning men ko'r-ma-gan jabr-u ja-fo-si qol-di-mu

— v — — — v — — — v — — — v —

Xas-ta ko'ng-lum chek-ma-gan dard-u ba-lo-si qol-di-mu

— v — — — v — — — v — — — v —

Ushbu g'azal musammani mahzufda bitilgan bo'lib

— v — — — v — — — v — — — v —

— v — — — v — — — v — — — v —

Foilotun foilotun foilotun foul tarzda ifoda etilgan.

Ahtamqul KARIM

Sizning kitob savoningizga

Kuni kecha poytaxtimizdagi Respublika bolalar kutubxonasi Xalq ta'limi vazirligi hamda «Kamolot» Yoshlar ijtimoiy harakati tashabbusi bilan o'tkazilgan «Dillarda Vatan madhi» kitobining taqdimotiga yig'ilgan o'quvchilar hamda mehmonlar bilan gavjum bo'ldi.

Xabaringiz bor, yurtimiz mustaqilligi bayrami arafasida Respublika Ma'naviyat targ'ibot markazi, Xalq ta'limi, Oliy va o'rta maxsus ta'lim vazirliklari, O'rta maxsus kasb-hunar ta'limi markazi hamda «Kamolot» yoshlar ijtimoiy harakati bilan hamkorlikda insholar tanlovini o'tkazgan edi. Unda yurtimizning umumta'lim maktablari, akademik litsey va kasb-hunar kollejlari, oliy ta'lim dargohlarida tahsil

«DILLARDA VATAN MADHI»



olayotgan o'n mingdan ziyod o'quvchilar va talaba yoshlar ishtirok etdilar. «Biz O'zbekiston farzandlarimiz», «Biz hech kimdan kam emasmiz va hech qachon kam bo'lmaymiz», «O'zbekistonning g'ururi tog'lardan baland» kabi mavzulardagi ijodiy ishlar tanlovining tuman, shahar, viloyat va Qoraqalpog'iston Respublikasi bosqichlaridagi eng sara ijodiy ishlar «Dillarda Vatan madhi» nomli to'plam holida chop etildi.

Bolalar badiiy havaskorlik jamoalari a'zolari ijrosidagi Vatanni, istiqlolni madh etuvchi kuy va qo'shiqlar tadbirga yana-da fayz kiritdi.

O'z muxbirimiz

BUGUNNING



«YANGI AVLOD»LARI

ASAL

Hayotdagi shiori: doimo olg'a intilish va ko'zlagi maqsadiga erishish.

Yoqtirgan fani: musiqa va adabiyot.

Kitobi: «Aka-uka Grimmlar».

Filmi: «Titanik».

Qo'shiqchisi: Botir Zokirov.

Sport turi: tennis

Taomi: lag'mon

Rangi: havo rang

San'atdan tashqari qiziqishlari: bo'sh vaqtlarida tikish-bichish va liboslarning yangi modellarini yaratish.

Eng katta orzusi:

tanlov g'olibiga aylanganidan so'ng, san'atning qo'shiqchilik turi bilan shug'ullanishga kirishdi va o'z oldiga kelajakda bundan-da ulkan muvaffaqiyatlarga erishish maqsadini qo'ydi.

– Qaysi xorijiy tillarni o'rganasiz?

– Ingliz, nemis.

Asal QOZOQBOYEVA – 15 yoshda, Aziza NIZOMOVA – 16 yoshda. Ular V.Uspenskiy nomidagi musiqa akademik litseyining I-bosqichida tahsil olishadi. 2005-yilda o'tkazilgan «Yangi avlod» festivalida g'olib bo'lganlar.

AZIZA

Hayotdagi shiori:

har bir inson o'z taqdirini o'zi yaratadi.

Yoqtirgan fani:

adabiyot va matematika.

Kitobi: «Yevgeniy Onegin» romani.

Filmi: «Titanik».

Qo'shiqchisi: Sevara Nazarxon.

Sport turi: tennis.

Taomi: osh.

Rangi: oq va qora.

San'atdan tashqari qiziqishlari: kompyuter va uning imkoniyatlaridan foydalanishni, qiziqarli ma'lumotlar olishni yoqtiradi.

– Eng katta orzuvingiz:

– Mazkur tanlov menga san'atimni namoyon qilishda ulkan poydevor bo'ldi. Mening mazkur tanlovdagi ishtirokim o'z kuchimni sinab ko'rish, kamchiliklarimni anglash va ularni to'g'rilash imkoniyatini yaratib berdi.

– Qaysi xorijiy tillarni o'rganasiz?

– Ingliz, nemis.



– «Yangi avlod» festivali sizlarda qanday taassurot qoldirdi?

– Bu festival bizning hayotimizda juda yorqin iz qoldirdi. Ko'plab do'stlar ortirdik.

Bundan tashqari, ustozlarimiz bergan bilimlarini oqlash imkoniyatiga ega bo'ldik.

Kelajakda yurtimiz rivojiga o'z hissamizni qo'shishni, o'zbek qo'shiqchilik san'atini rivojlantirishni o'z oldimizga eng oliy maqsad qilib qo'yganimiz.

Bobur NAZARMUHAMMEDOV tayyorladi

YODINGDA TUT VA TAOMINGGA QO'SH



Temirga boy mahsulotlar:

100 gr. mahsulotda temir mg. hisobida:

1. Yalpiz – 9,5
2. Petrushka – 7,5
3. Ukrop – 9,5
4. Oq loviya – 7,7
5. Qo'y jigari – 7,5
6. Mol buyragi – 7,2
7. Mol jigari – 7,0
8. Tovuq jigari – 7,5
9. Kungaboqar donasi – 6,4
10. Qizil loviya – 6,4
11. No'xat – 5,5
12. Quritilgan shaftoli – 6,8
13. Mol yuragi – 4,9
14. Quritilgan o'rik – 4,1

Qadimgi Gretsiya va Misrda nonning shifobaxshligiga katta ahamiyat berilgan. Non oshqozon kasalliklariga davo ekanligi o'sha davr tabiblari tomonidan isbotlangan.

Eng katta novvoyxona Izmaylovoda bo'lib, u podsho saroyi ixtiyorida bo'lgan.

Non iborasining kelib chiqishi Gretsiya novvoylari nomi bilan bog'liq. Novvoylar non tayyorlashda maxsus idishlardan foydalanganlar. Idishning nomi esa «klibanos» deb atalgan, bu esa bizning tilda «non» so'zini anglatadi.

Muhabbat HAMIDOVA tayyorladi



NIMALAR BO'LMAYDI DEYSIZ?

Aziz bolajonlar! Siz to'qqiz yoshli bolakayni magistr darajasiga yetganini eshitdingizmi? Xonkong universitetining talabasi darslarning ikkinchi kunidanoq ulardan zerikkani ma'lum qildi.

Mark ismli bu yigitcha eng yuqori ball bilan o'qishga qabul qilingan edi. Mark o'qishga kirganidan mamnun edi-yu, ammo mashg'ulotlar unga haddan tashqari jo'n tuyulayпти.

– Men bu mavzularni allaqachon 2 yil oldin o'qiganman, – dedi u. Mark uchun universitetda besh yillik maxsus ta'lim tizimi ishlab chiqiladigan bo'ldi. Besh yildan so'ng Markga bir yo'la magistr darajasi berilsa, hech kim ajablanmaydi.



Muassislar:

O'zbekiston matbuot va axborot agentligi,
O'zbekiston Respublikasi Xalq ta'limi vazirligi,
KAMOLOT yoshlar ijtimoiy harakati Markaziy Kengashi,
«SOG'LOM AVLOD UCHUN» hukumatga qarashli bo'lgan xalqaro xayriya jamg'armasi.

BOSH MUHARRIR:
To'liqin HAYITOV

Dizayner va sahifalovchi:
Elyor ESHCHANOV
Navbatchi:
Feruza ADILOVA

Gazeta O'zbekiston matbuot va axborot agentligida 0208-raqam bilan 2007-yil 2-fevralda ro'yxatdan o'tgan.

TAHRIR HAY'ATI:
Turobjon JO'RAYEV,
Dilbar ALIMJONOVA,
Qahramon QURANBOYEV,
Jabbor RAZZOQOV
(«O'zbekiston» NMIU Bosh muharrir o'rinbosari),
Dilmurod RAHMATILLAYEV,
Dilshoda DADAJONOVA,
Feruza JALILOVA
(Bosh muharrir o'rinbosari),
Sobirjon SHARIPOV,
Ergashvoy SARIQOV.

Manzillimiz:
700129,
Toshkent shahri,
Navoiy ko'chasi, 30-uy.
Obuna indeksi: 198.
e-mail: tong1924@mail.ru
Tel: 144-27-25 144-63-08
Tel./ faks: (99871) 144-38-10

Rassomlar:
Nodira MIRZAYEVA,
Feruz MATYOQUBOV

Gazeta «O'zbekiston» nashriyat-matbaa ijodiy uyida chop etildi.
Gazeta haftaning dushanba kuni chiqadi.
Shakli A-3,
2 bosma taboq.
Adadi - 19010
Buyurtma N: J4144